

مطبعه و محل اداره :

جفصال اوغلنده امنیت
مندوفی جوارنده
شنکول یقوشنده
۲۷ نومرو

مشاورت

۱۲۲۶

سلکمزموافق آثار
جدیده مالمنونیه
قبول اولنور

درج ایدله بن آثار اعاده اولنماز

دیر ، فلسفه ، علوم ، حقوق ، ادبیات تاریخ ، و سیاسیانده و بالخاصه احوال و شئونه اسلامیه و ده بحث ایدرو هفته ده بر نشر اولنور .

صاحب و مؤسسلری :

ابوالعلا زین العابدین - ح . اشرف ادیب
تاریخ تأسیسی

۱۰ تموز ۳۲۴

در سعادتده نسخه سی ۵۰ پاره در

قبرله دن مقوا بورو ایله کوندریلیرسه سنوی
۲۰ غروش فضله آلنیر

آبونه بدلی

سنه لکی	التی آیلانی	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبیه	۱۷	۹

ویزبوت یا تختی رنگین نورلره ، نور عرفان و معرفته غرق ایتکه باشایوردی .

تاریخ کوستریورکه ، ملل غالبه زیر تابعیته آلدقلى اقوامه یالکز سیاست و ماده حاکم اوله بیلورلر . ملت مغلوبه نك معنویاتنه حاکم اوله بیلمك ایچون مستولیرك قوت و حشمت ماده جه اولدینی کی علماً و مدنیة ده تحت حکمه آلدقلى قومك فوقنده بولنه لری ایجاب ایدر . عکس تقدیرده ، ملت مغلوبه چوق کچمکسزین معنا ملت غالبه قوت و نفوذینی الیه ایده بیلور .

اسلاملر ، شرقده غربده ، استیلا ایتدکلى ممالك اهاالیسنه علماً و اخلاقاً هر جهتجه فائق ایدیلر . بو سایه ده درکه لوای معظم محمدی آلتنه صیغیان مللارک مادیات و معنویاتنه و حتی وجدانلرینه بیله حاکم اوله بیلمه شلردر . ابن نصیرك اندلسه آباق باصدیق تاریخندن اعتباراً اون اونیش سنه صکره اندلس اهاالی قدیمه سی لسان مادر زادلرینی براقشیلر ، هپسی عربجه تکلمه باشلامشلردی . لسان محلی نك متروك بر حاله کله سی ایچون اوتوز قرق سنه کافی اولمشدی .

آوروپایه قدم زن استیلا اولان اسلاملر ، اسپانیایی جهالت مطلقه ایچمنده بولمشلر ، فقط وظیفه تعلیم و ارشادی بحق ایفا ایله شلردر . بو تاریخندن اعتباراً شرقدن غربه بر سیلابه معرفتدرکه آقغه باشلادی . فریضة حج ، عالم اسلامك اك مهم وسائط تنوریه سندنذر : اندلس دن قالدقلى ارض حجازه قوشان موحدین ، عودتده مملکتلرینه طاقلى خاطرهلرله برابر رنگا رنگ علم و عرفان شکوفه لریده کوتوریورلردی . دینی اولان بو زیارتلر ، بالاآخره علمی سیاحتلرله تنویج ایدلمكه باشلاندی : محمد بن عبدون ، ۳۴۷ تاریخ هجریسنده شرقه سیاحت و دارالعرفانلرده اکتساب معرفت ایتدکد نصکره اندلسه عودت ایلیمشدی . شرقك اك بلند ناصیه لرندن (یونس بن هاران) اندلسه عزیمت و اورالرده نشر علوم و اجرای طبابتله اشتغالی اختیار ایلیمشدی . یونس ، احمد و عمر نامنده کی مخدوملرینی اکیال تحصیل ایتك اوزره بغداده کوندرمشدی . بو ایکی کنج اندلسه عودتلرنده اجرای طبابت و تدریساته نظریات و تطبیقات فیهی نشر و تعمیمه چالشمشلردر . اندلس خلیفه لری بر چوق احسانلر ، انعاملر بذل و بیوک بیوک فدا کارلقلرا اختیار ایلدرک شرقدن اعظم ارباب علمی اندلسه جلب و دعوت ایدیورلردی .

دها طقوزنجی عصر میلادیده طبماً بك نزیه بر شاعر اولان عبدالرحمن ثانی نك صیت معارف و وریسی اقلیم شرقی طولدرمشدی . بك چوق ارباب علم ودها فوج فوج اندلسه قوشیورلردی .

فقط ، اندلس آنجق اونجی عصر میلادیده درکه بغدادله علماً مدنیة وقابت ایده بیله جك مرتبه بلنده واصل اوله بیلدی . دردنجی عصر هجری ، مدنیت اسلامیه نك اسپانیاده اك زیاده ششمه دار اولدینی بر دور عالیدر .

اجتماعیه آرمسنده بشریتك سییل ترقیه آتمقده اولدقلى خطوه لرك دیانت اسلامیه اساسلرینه تقریدن بشقه برشی اولمادیقنى کوره رك مدهوش قالیر ، نهایت مسلمانلغك خالق ذوالجلال طرفندن بشریتك پیشگاه تعالیسنه وضع اولمش برغایه آمال اولدینی ، کونك برنده او غاییه وصول ایچون ایجاب ایدن استمدادك کندی فطرنه مودوع بولندینی حقیقه تأید ایدر .

هم اولنظر امعان قوم عرب ایچمنده حادث اوله رق بر زمانلر وحشتك غفلتك منتهاسنده بولناز اولمتی « خیرامة اخرجت للناس » پایه بلندیته قدر اعلا ایدن انقلاب مدهشك حکمتی شیمدی آکلار .

محمد ماکف

اسلامده فن و فلسفه

دردنجی عصر هجریده اندلس . — عالم اسلام طقوزنجی عصر میلادی امتدادنجیه علماً ، مدنیة اوج ترقی و تکامله طوغری ایلرله دیکی ائشاده ، اورویا ، دبدبه احتشام نمونیه بوکون بزی دوچار بهت و حیرت ایدن بو جهان معرفت ، کثیف بر کابوس جهل و تعصب آلتنده قیورانیور ، ازیلیوردی .

بر طرفندن دره بکلر ، قراللر ، دیگر طرفندن قاردیناللر ، پاپلر ، رقابت ایدرجه سنه بر کوششله ، خلقك موجودیت حیاتیله لرینی کیریورلر ، قوه مفکره نی محو ایتك ایچون بوتون غیرتلیله چالیشیورلردی .

اعتسافات و تلقینات سفیه ، افراد اهاالی بی جهل و تعصبك قورقنج کردابلرینه طوغری سور و کلیوردی .

جهالت ، تعصب و سفالتك مدهش بر پیشداریدر . ظلمت جهالتدن بحق استفاده ایده بیلمك اصولی بك کوزل تطبیق ایدن غدار پرلسلر ، معنوه پایاسلر ، بلا پروا متصل خلقك عروق حیاتیله سنی نه میور ، حریت شخصیه لرینی چیکنه یورلردی .

آوروپا باربارلری ظلم و سفالت و جهل و تعصبك مرحتسز پنجه لری آلتنده قیورانیور ، ایکله یورلر ، عرض شکایت ایده جك ، اسباب تخلیص اوکره ته بیله جك بر مرجع بوله میورلردی .

حالبوکه عینی زمانده شرق ، مدنیت و عدالت اسلامیه سایه سنده بر کلبن سعادت ، بر شکوفه زار عرفان حالنده ایدی .

آوروپا قطعه سنده ، علم و معرفت نامنه ، پایاسلرک اذیرلدرکلى بر قاج پارچه دعا ، قاردیناللرک محصور و همیاتی اولان خرافات و روایاتدن باشقه بر شی یوق ایدی . آوروپا بوتون معناسیله بر وحشت آباد جهالت ، بر مشهر اعتساف و تعصب منظره سی عرض ایدیورلردی . ایشه بو ائنالرده ایدی که جنوبدن ، جبل طارق ماورای ششوا هقندن طلوع ایدن نیر اسلامیت ، اندلس خطه سنی ،

بیان ایتدکلی وجهله ابوالقاسم زهراوی منصورک الک صمیمی اوداسندن ایدی . بر طرفدن بالذات خلیفه لر ، دیگر طرفدن ، امرا وارکان حکومت طرفدن کوستریلن تشویقات علمیه نك ثمرات نافعہ سی پک چابوق اقتطاف ایدلدی . اندلس خطه سی ارباب عرفانی آرسنده بلند ناصیه لر ، بارز سیالار ، یوکسک دهالار اعتلامون اولمغه باشلادیلر .

مشهور ابوالقاسم زهراوی ایله تاریخ طبیعی علماسندن ابن جلجل (ابو داود سلیمان بن حسان) ، مسلمہ بن احمد (ابوالقاسم مرحیطی) کبی ذوات بو بویوک سیالردندر .

عبدالرحمن ثالث والحکمک معیتلری ارکانی ، سرای مأمورلری کاملاً ارباب علمدن انتخاب ایدلمشلدی . مقام وزارتہ انتخاب ایدیلن ذوات میاننده مشهور عالمک اسامیسنه تصادف اولیور .

ریاضی شهر مسلمہ بن احمد ، اندلس ده علم هیئت وفنون ریاضیهی احیا ونشر ایدن اعظمنددر . خلقه فیضنده یتیشان ارباب دهاء ، ترقیات فنییه شایان تحیل خدمات ابراز ایتمشلردر . مسلمہ نك بوغیور تلامیذندن بشنجی عصر هجریده بحث ایده جکزر .

مدنیت اسلامیہ نك آوروپاده ایٹک ناشری اولان مشهور زهربر « Gerbert » [بوذات بالا خره ایکنجی سیلوستر (Sylvestre) نامیله پاپالغه قدر ارتقا ایلمشدر :] بو عصرده بارسلونده اقامت ومسلمه نك مکتب عرفانه مداومت ایدیوردی .

زهربر اندلس ده اکمال تحصیل و آوروپایه عودت ایتدکن صکره (رئیس) باش یسقیوسی ایکن ، مسلمه نك علم هیئت وریاضیاته عائد ایکی اثرینی لاتینجهیه ترجمه ایلمشدر .

زهربر کبی پک چوق آوروپا کنجلی اندلس مدارس اسلامیہ سنده اکمال تحصیل ایدهرک وطنارینه نودتله مدنیت حاضره نك اساسلرینی وضع وتأسیسه چالشمشلردر .

خلاصه دردنجی عصر هجریده اندلس ده علوم وفنون اوقدر متین اساسلر اوزرینه استناد ایتدیرلمش ایدی که ، اعصار متعاقبهده ظهور یافته اولان تشتیلر بیله سیر سریعته حائل اوله مادیلر . بالعکس ، اعصار تالیهدهدرکه علوم وفنون اسپانیاده شعله کالنی اکتساب ایده بیلدی . عصر حاضر آمریقا اکابر علماسندن مشهور دراپر ، آروپانک ترقیات فکریه سی تاریخی عنوانی (Histoire du développement intellectuel de l'Europe) عنوانی اثر معروفده ، اسلامارک ترقیات مدنییه اولان خدمات مبروره سندن وبو مناسبتله اندلس مدنیت اسلامیہ سندن بحث ایدرکن دیورکه : « اسلامار اسپانیا قطعه سینه کچر کچمز آوروپا افکار عمومیه سنده عمیق ر تأثیر حصوله کنیرمکه موفق اولدیلر . بو تأثیر ایتالیا سیستمی صارصغه باشلادی .

اسلامارک خدمات مدنیله ری تمامیله آکلاشیله بیلیمک ایچون اوروپانک او وقتی احوال عمومیه سینه بر نظر عطف واندلس فاتحاریله آوروپا خرسیتیانلرینک احوال اجتماعیه وفکریه لرینی مقایسه

خلافت اسلامیہ نك غرب اورنک حشمتی متعاقباً اشغال ایدن ایکی بیوک ذاتک دوره حکومتلری ، بو عصرک الک بارلاق زمانلرینی تشکیل ایدر : عبدالرحمن ثالث و حکم ، ادبیات ، فنون وصنایعک الک صمیمی محبی ، الک نافذ مشوق ومروجی ایدیلر .

عبدالرحمن ثالث ، اوروپا حکمدارلرین معاصر بولندیغی ذواتک اکثریسیله مناسبات دوستاندهه بولنیوردی .

آلمانیا ایمپراطوری بویوک (اوتون) ک سده خلافته اعزام ایتدیکی هیئت سفارت ، اندلس ده پک بارلاق بر صورتده استقبال ایدلمشدی .

استانبول قیصریله اولان مناسبات و داد کارانه ایسه تاریخ علومده حائز اهمیت وقایعنددر .

عبدالرحمن دورنده قرطبهده تشکک ایدن هیئت فنیه نك طب شعبه سی ، ابو عثمان جزار ، محمد بن سعید ، عبدالرحمن بن حیطان ، وابو عبدالله کبی ذوات طرفندن اداره ایدیوردی .

عبدالرحمن ثالثک انشاسنه موفق اولدیغی مؤسسات عالییه میاننده وادی الکبیرک ساحل دلیرنده انشا ایدیلن (الزهراء) سراییه قرطبهده بنا اولنان طب فاکولته سنی ذکر ایده بیلیرز .

بو فاکولته ، اوروپاده بنا ایدیلن ایٹک دارالفنون طبی اولدیغی جهله تاریخ علومده جدأ حائز اهمیتدر .

الزهراء ، ظاهرأ بر سرای محتشم فقط حقیقتده بر شکوفه زار عرفان ایدی . حتی مشهور ابوالقاسمک (الزهراوی) لقیله اشتهار ایتمی بوراده پرورشیاپ کمال اولمسندن نشأت ایلمشدر . الحکم ، بدرینک بحق وارث شان و عرفانی در . (عبدالرحمن) ک اجرات ومسلکی کال جدیتله حکم طرفندن ده تعقیب ایدلمشدر . حکم هر طرفه وبالخاصه اووقتر مرکز الشماع معرفت اولان شرقه ، ارباب فضل وکالدن متشکل هیئتلر اعزام ایلمشدی . هیئات مذکوره کیتدکلی محللرده ، مشاهیر علمانک مؤلفاتی جمع و استنساخ ایدهرک اندلسه نقل ایتیمکه مأمور ایدیلر .

حکم ارباب علمه قارشى فوق العاده لطفکار طاورانوردی . مثلاً (کتاب الاغانی) مؤلف شهری ابوالفرج اصفهانی به بیک لبرا عطیه کوندرمشدی . حکمک سراینده ، آثار نادره علمییه یی استنساخ ایتیمکه مکلف متعدد کاتبلر واردی .

اندلس ده تأسیس ایدیلن کتبخانه لر ، جهان مدنیتک الک قیمتمدار اثرلرینی جامع ودنیانک هیچ برطرفده امثاله تصادف ایدیله میه جک درجهده زنکین ایدیلر . حکمک سراینده کی کتبخانه نك یالکزر قتالوغلری فرق درت بویوک جلد تشکیل ایدیوردی .

قازیرینک « Casiri » افاده سینه نظرأ موجود کتابلرک عددی التیوز بیک جلدی متجاوز بولنیوردی . هشام دورینک الک بیوک ، الک نجیب سیای عرفاندن اولان مجاهد شهر (حاجب المنصور) ارباب علم وفنی تحت حمایه سینه آلبر ، انلرله هم بزم الفت اولقدن فوق العاده محظوظ اولوردی . لئون آفریکن وقوند « Conde » ک

ایتملیدر : اوروپاده ، روما مدینتک نفوذ ایده مدیکی محللرده مسکون اهالی نیم وحشی بر حالده ایدیلر . اوت وصاللرله اورتلمش قبله لرده اقامت و آواتلریله تغذی ایدیورلردی . صید و شکار ایده مدکلری زمانلر ، بقله ، بورجاق و اوت کوکلری اکل ایده رک دفع جوعه چالیشیرلر والیسه یرینه حیوانات دریلری اکتسا ایدرلر ، بونلری اکثریا تطهیره بیله لزوم کورمزلردی .

قراللرک ایام رسمیه ده یدنکلری کردونهلر ، ایکی اوکوزله جر ایدیلر عادی بر عربدهن عبارتدی . اسیرلر اوجی چویل صیریقلرله اوکوزلری متصل دورته رک عربدهی سوق ایدرلردی .

آورویا ، خرسیتیانیتی قبول ایتدکن صکره تمامبله بر جهان تعصب حالنی آلدی . اساسندن تخریف و افساد ایدلمش اولان بر دینده (خرسیتیانلق) جای قبول بوله بیلن هر شیئه اینانیلیوردی . اعزهنک الیسه لر ، متروکات مقدسه لر بر منبع کرامت حکمنده ایدی . خلقل جهل و تعصبندن بالاستفاده پاپاسلرده بوتون غیرت و شیطنتلریله احتراصات و منافع ذاتیه لرینی تأمینه چالیشورلردی .

روحه اضطراب بخش اولان بو باربارلغه دائر دهها زیاده تفصیلاته کیریشمه رک آوروپانک جنوب غریبسه ، آز بر زمان صوکره ، حزمات شمشه داریلله جهانی تنویر ایده جک بر قطعه به توجیه نظر ایده لم : اسلاملری اندلس فتحه تشویق ایدن احوال واسباب نه دن عبارتدی . ؟ اسپانیاده آریوس مذهبی اورتودوقسلر طرفندن تمامبله تخریب ایدلمشدی .

بالاخره اورتودوقسلرده عینی جزایه اوغرایه جقلردی . الی بیک یهودی عائله سنی مملکتندن نفی و اخراج ایدن امپراطور آدریئن (Adrien) دن صوکره اندلس ده یهودیلر ، ینه خارقه نما بر صورتده تزیاید ایتشلردی . پک کوزل تخمین و تقدیر ایدیله جکی وجهله یهودیلر ، اورتودوقسلر طرفندن مرحمتسز جه معاملات معروض قالیورلردی . دهها اول طقسان بیک نفوس و اقیز اولغه اجبار ایدلمش ، قاتولیکلرک آغیر بیوندورینی آلتیه صوقلمق ایسته نلمشدی . بردغه واقیز ایدیلن شخصدن کلیسایه ابدیاً صداقت بکله نیوردی .

غوتلرک حکومت مطلقه سی قبول ایدلمش و (رودریق) اسلافنک وارثلری حقوقی غصب ایده رک اورنک سلطنته اوطورمشدی . غوت زادکانی تعلیم و تربیه کورمک اوزره اولادلرینی طلیطله به کوندرمکی عادت ایتشلردی . آفریقا ده کی ثوتا (Ceuta) والیسی قونت جولیا-نوسک حسن و آنیله شهرت شعاع کریمه سی ده بصورتله طلیطله ده بولنیوردی .

قرال رودریق قونتک کریمه سنک محاسن دلفربینه مفتون اولمش و حسن صورتله نائل وصال اوله میه جفتی آکلایه رق قیزی جبراً حکمنه رام ایتک ایسته مشدی . قیز پدرینی کیفیتدن خبردار ایتدی . جولیانوس بو خبر مدهشی طویارطویماز ، یأس و نومیدی ایچنده (الله شاهد اولسون ، اخذ انتقام ایده حکم) دییه باغیر مشدی .

قونت ظاهرأ حدتی کظم ایده رک اسپانییه کجدی . طلیطله باش بسقپوسی اوباس « Oppas » و غیرممنون کنیسا هیئتلریله رودریق علیه عقد اتفاق ایتدکن صوکره قرالک شبهه سنی بیله جلب ایتکسزین قیزیله برلکده آفریقایه عودت ایلدی . ایلدی . آفریقایه وصولی متعاقب موسی بن نصیرله مخابره به کیریشه رک اسپانیا فتحه تشویق ایتکله باشلادی . قونت ، بوتشبه بالذات کنیدیسنکده اشتراک ایده جکنی وعد و اشعار ایدیوردی . ابن نصیر خلیفه دن مساعده استحصال ایتدکن صوکره ، معیتده بولنان امرادن طارق بن زیاد اردوی اسلامک پیشدارلریله بوغازی کجدی .

۷۱۱ سنه میلادسی نیساننده ایدی که طارق ، الیوم نامنی طاشیان جبله مواصلت ایلدی . حربه ابتدار ایدیلر ایدلر رودریقک برقم اردوسی طلیطله بسقپوسیله برلکده جندیان اسلامه التحاق ایدیلر . قسم متباقی آتی بر خوف و هراسه دوچار اوله رق فراره مجبور اولدیلر . انشای هزیمته قرال رودریق ده وادی الکبیر نهرنده بوغولدی . طارق بومظفریت اوزرینه سرعتله شماله طوغری ایلریله دی . طارقک موفقیتانی نظر استر قابله کورن موسی بن نصیرده متعاقباً اسپانیایه ورود ایلدی .

اسلاملر مظفریتدن مظفریته آتیه رق نهایت اندلس قطعه سنی کاملاً ضبطه موفق اولدیلر .

موسی نک فکری ، فرانسه ، آلمانیا و ایتالیانی ده فتح واستیلا ایتدکن صوکره استانبول سورلرینه قدر ایلریله مکدی . فقط طارقله آره لرنده حصوله کلن برودت اوزرینه سوریه به جلب ایدلرکنندن مقصدینی موقع فعله وضع ایتکله موفق اوله مدی .

فرانسه و بوتون آوروپانک ایدلر اسلامیه به کچمه سنه مانع اولان شی ، (شارل مارتل) ک قیلجندن زیاده امرای عرب آره سننده ظهور ایدن نفاق و اتفاقسزلق اولدینی شبهه سزدر .

امویه خاندانک سقوطلی اناسنده (۷۵۰ سنه میلادیسنده) ، بو خاندانک صوکره نجلی بولنان عبدالرحمن اسپانیایه فرار والتجا ایلمشدی . اندلسده بویوک برشوقله استقبال ایدیلر رک مقام امارته کچیلدی . عبدالرحمن قرطبه نی مرکز حکومت اتخاذ ایلدی . عبدالرحمن یالکیز امیر عنوانیه اکتفا ایتمش و مرکز اسلامیت اولان بغداده قارشی بصورتله اظهار حرمت ایتک ایسته مشدی .

اندلس امویلری ده ، بغداد عباسیلری کبی ، ادبیات و فنونک حامی و مشوق صفتی احراز ایدیلر . عبدالرحمن ، داخلی قاریشقلقلری برطرف و حکومتی تأیید ایتدکن صوکره شارلمانله عقد ائتلاف ایلدی .

اسلاملر اندلس ده تأسیس حکومت ایدر-ایمز شایان تجیل و پارلاق وظیفه لرینه باشلادیلر .

اندلس خلیفه لر ده آسیا امیر المؤمنینلرینک مسلک علمی و سیاه سیلرینی تعقیباً فنک منور فکری حامیسی صفتی احراز و نزاهت و درایتلریله آوروپانک او وقتکی پرنسپلریله بیوک بر تضاد تشکیل

ایدیش اولان طاواندرده ، بیک سکسان درت لامبه آله بیله چک
جسامنده وازولر بولنوردی .

نارین مرمر ستونلر ، تحمل ایتدکلی آغیر کتله لرله ، زوارک
نظر حیرت واستغرابلرینی جلب ایدرلردی . سلطانیلرک خصوصی
اقامتگاهلرنده کی ستونلر ، لاجورد طاشلرله مزین یشیل اویمه لی
قولونلر حالده ایدیلر . اسلام اولرنده کی اثاثیتیه ، عمومیتله صدف ،
فیل دیشی و کوموش ایله مزین و صندال ویالیمون اغاجلرندن یاسیلورلردی .

بونلرک آلتون و یامالاهیت لرله تزین ایدیش اولانلریده بولنوردی .
صالوندرده ، مشکل پسند بر صنعتکارک برلشدردیکی قریستال دوروش
وازولر ، چین کاری پورسلانلر ، موزائیک ماصه لر ، نظر بدایع
پرستی قاشدیرر ، معطر اوطه لرک اوتنه سنده بریسند بر دست زمین
طرفندن کلشی کوزل آتلمش ظریف یاصدیقلر ، حریری مندرلر
نظر قریب بر منظره تشکیل ایدرلردی .

مدالی اعدادیسی مدیری

م . شمس الدین

(محی الدین کافجی)

ابو عبدالله محمد محی الدین بن سلیمان بن مسعود رومی

کافجی - کافجی

متبحرین فضالان بر یکنه علم و کمال اولوب (۱۷۸۸) تاریخنده
(برغمه) ده مهد آرای شهود اولمشدر . تفسیر ، حدیث ، فقه ،
اصول ، منطق و علوم سائرده ید طولا صاحب اولدینه یازدینی آثار
مدققانه شاهددر .

سیوطی کی بر علامه روزگارک استاد فضائلمدی اولدینی
سویله مک وصف کالنه دائر باشقا سوز ایرادینه حاجت برافراز .
مولانا سیوطی « طبقات النحاة » نده اون درت سنه صاحب ترجمه نک
مجلس علمنه دوام ایلدیکنی و هر دفته سنده هیچ ایشتمه مش اولدینی
دقائق و غوامض علمیه استماعی صورتیه پک زیاده استفاده واستفاده
ایتدیکنی یازیور . حق بر مصاحبت علمیه اثناسنده سیوطی به
« زید قائم » ترکیبک اعرابی سؤال ایدر . مولانای مشارالیه علم
نحوده مبتدیلاک بیله کمال سهولتله حل ایده بیله جکلی بوبله بر
سؤالک ایرادینی ، عاداتا مقصد استخفافه حل ایتک ایسته یه رک
تأثر وانفعالی کتم ایله یه من . او فاضل دقائق ایله بو تأثره انقال
ایله بو جمله ده یوز اون ارج مبحث اولدینی در میان ایدنجه سیوطی
بیان حیرتله بو مباحث غامضیه ایشتمدیکجه مجلس علمکزدن قالمق
احتمالی یوقدر ، جوابیه ایضاحات نیازنده بولنور . صاحب ترجمه ده
رکا دائر یازمش اولدینی رساله سنی ایراد ایده رک سیوطی مرحوم
کاملاً استنساخ ایله شددر .

ایدیورلردی . زیر اداره لرنده قرطبه اقصای عمران و رفاهه واصل
اولمشدی . شهرایکیوزیک خانیهی متجاوز و برملیوندن زیاده نفوسی
جامع اولوب سوقاقلری منتظم وجاده لری دوز و کنیش ایدیلر .

غروب شمسی متعاقب سوقاقلر فنارلرله « سیر ایدیلردی . بو
سوقاقلرده عینی استقامتده اورمیل مسافه قطع اولنه ییلوردی . حالبوکه
یدی یوز سنه صوکره بیله لوندرده سوقاقلرک عمومی صورتده تنویری
هنوز مجهول ایدی .

جاده لرده منتظم پارکلر تفریش ایدلمشدی . حالبوکه پارس ده ،
خانه سندن چیقان بر آدمک طبوقلرینه قدر چاموره باتمامسی ایچون
دها درت عصر کچمک لازمدی .

غریاطه ، سهویل ، طلیطله ترقی و عمران خصوصنده قرطبه ایله
رقابت ایدیورلردی . خلفانک سرایلری پراحتشام و دبده ایدیلر .
امرای اسلامیه ، اووقتی فرانسه ، آلمانیا و انکلتره حکمدارلرینک
اقامتگاه سفیلانه لرینه ، بر نظره حقارت فیلاتمقده حقی ایدیلر .
فی الحقیقه آوروپا حکمداران سیرایلری او قدر انتظامسز ایدیلرکه ،
نچره و شومینه دز بیله محروم اولدیلرندن ، آتش یاقلدینی زمان دومانلر
آنچق ، هند ویغواملرنده اولدینی کی ، جانی آره سنده آچیلش
دلیکلردن چیقاردی . اسلاملر آوروپا یه کچدکلی زمان ، شرقک
هردرلو آلاش مطنطنه سنی ده برلکده کتیرمشلردی : مدبدب قونا
قلربی ، یا آجیق بر محله کنبه لاجوردی سایه طوغری اعتلا نمون
اوله حق صورتده ویالطیف بر مشجره نک آغوش خفاسنده انشا
ایدرلردی .

محلا مرمر بالقونلر ، پورتقال اغاجلریله مستور معلق حدیقلر ،
صیجاق موسملرده بر حجه کاه سایه دار اولان لطیف قریه لر ، شالاه
لرک مجاری مزینه لری ، طوانلری مذهب و رنگا رنگ بلورلرله نظر
پیرا بر منظره عرض ایدن ودائی جاغلا یانلرک حاصل ایتدیکلی روحنواز
برسرینلک ایچنه کوموله ن استراحت سالونلری ، زمینی ، دیوارلری
تزین ایدن قیمتمدار موزائیکلر اسلام خانلرینه بر لطافت بدایع پیرا
بخش ایدرلردی .

برطرفده ، براق صولری حزمات شراره پاش صورتنده فیشقیران
برچشمه ، یواشجه طنین دار بر حوضه دوکیله رک اسرار آمیز زمزمه لر
حاصل ایدر ، اوتنه ده ، شکوفه زار حدیقلرک سرین هوالرینی سوجه
مخصوص وانتیلاتورلرله مجهز صیفیلر یوکسه لیرلردی .

مساکن شتاییه ، دیوارلرک ایچریلرینه اویولش مجرالر واسطه سیله
آلتقات قهرلی آلتنه موضوع شوقفاز سانتراللرک کو ندردیکی معطر ،
صیجاق هوالرله تسخین ایدیلیرلردی .

دیوارلر هیچ بر وقت دوغروندن دوغرویه اختساب قابلامه لرله
اورتولر ، همه حال عربسک اویمه لر ، لطیف قیر عالمینی مصور
بدیه نما منظره لرله تزین ایدیلیرلردی .

کوشه لری مهارتلی قلمکارلر طرفلرندن مذهب قورنشله تزین